

20- ETHIOPIAN
(OROMOO)

مفاهيم خاطئة حول الإسلام (6/6)

HUBANNOO
DOGONGORAA
ISLAAMAAN WAL

www.islamic-invitation.com

www.islamicic.com/flyers

سبيلك للسلام
Your Path To Peace..

HUBANNOO DOGONGORAA ISLAAMAAN WAL ILAALLATU

20- ETHIOPIAN
(OROMOO)

مفاهيم خاصة حول الإسلام (6/6)

FREE COPY

Wanti ati waa'ee
Islaama dhugumaan
beektu maali?



Dar Al Ber Society

www.daralber.ae

Your Path To Peace..



مركز المعلومات الإسلامي
Islamic Information Center

متميز بالبريد الإلكتروني

www.islamicic.com

DURSA

Islaamni amantii ballinaan addunyaa irra tamsa'aru ta'uu waliin amantii haala sirrii hin taaneen hubatameedha. Kunis sababa baay'eedhaafi. Isaanis: miidiyaa, siyaasa, ikoonoomii, sabaafi qaama biraa sodaachuu fa'i. Qabatamni dogongoraafi hubannoon sirrii hin taane kan waa'ee Islaamaa ilaalchisee babal'ates kana keessa seena. Kallattiin ittiin Islaamaafi Muslimoota hubatan inni guddaan yaada babal'ate kana dhiisanii yaada hundaawuu barnoota sharii'aa Islaamaa burqaa isaa sirrii ta'e irraa mirkaneeffachuudha.

Hubannoo dogongoraa 1- Muslimoonni namoota Muslima hin taaneef toltuu hin qoodanu. Haala gaariinis isaan waliin hin jiraatanu

Nabiyyiin (saw) ni jedhan: "caalaan keessan nama akkaan amala gaariiti." Ahmadtu gabaase. (24204)

Namoonni gariin duudhaan (amalli) Islaamaa hanga ta'een naamuusa warra dhihaatiin wal hin galu jedhu. Yaanni kunis dhugaa irraa fagoodha.

Sababni isaas Muslimoonni duudhaa aalamaafi gaarii ta'e ni tiksuu. Isaanis:

- Nama amanaafi haqaa ta'uu
- Waadaa eeguu
- Mirga amantii eeyyamuu
- Maatii, firoota, ollaafi namoota umuriin si caalan kabajuu
- Qabeenya kallattii toltuutti baasuu, arjaa ta'uu, hiyyeessaafi abbaa dhimmaatiif yaaduu
- Ollaaf tola ooluu
- Kijiba, gowwoomsuu, arrabaafi hamii irraa fagaachuu

Muslimoonni haala bu'a qabeessaan hawaasa keessatti himaachuu, yeroo hundaa naamuusa gaarii, jechaafi gocha filatamaatti ajajamoodha.

Hubannoo dogongoraa 2- Muslimoonni gooftaa haaraa "Allaah" jedhamu gabbaru

Muslimoonni gooftaa nabiyyoonni isaaniin duraa kan akka Nuuh, Ibraahiim, Muusaafi lisaan gabbaraa turan gabbaru.

Jechi "Allaah" jedhu jecha Afaan Arabaa kan Rabbii gabbaramu jechuu akeektuudha. Isheen jecha hiika guddaa qabdu kan Rabbii tokkichaaf malee hin moggaafamneedha. Yahuudonniifi kiristaanonni Arabaa yeroo Rabbii isaani dubbachuu fedhan isheetti fayyadamu.

Muslimoonni, yahuudaafi Kiristaanonni hunduu Rabbii Uumaatti amanuu waliin hubannoon waa'ee Rabbii garuu isaan hunda birattuu wal dhabbii guddaa wal dhaba. Akka fakkeenyaatti Muslimoonni Rabbiin abbaa yookiin ilmaan qabaachuu ni mormu. Akkuma kana qaama sadeessituu sadii ta'uu mormu. Guutummaa Rabbii guddaaf taasisu.

Dogongora 3- Islaamni shororkeessummaatti kakaasa.

Miidiyaan dhama'aan addunyaa irra jiru Muslima lolu hundaa shororkaadha jedhu. Sababa inni loluuf sirrii ta'uufi dhabuu hin ilaalanu. Miidheetimoo miidhamee lolaaraas hin ilaalanu.

Islaamni namoota nagaa lolaa hin jirre odoma lola keessatti ta'eeyyuu ajjeesuu hojii jibbamaafi haraama akka ta'e dirree baasee ibsa. Qabatamni barnoota Islaamaa namoota nagaa dhiisii lola keessattuu dirqama yoo ta'e malee qabeenyaafi lubbuu barbadeessuu ni dhorga. Kanuma waliin shororkeessaafi qaama weerara of irraa deebisuuf lolu adda baasuun dirqama. Garaagarummaan isaan jidduu jiru akka adii fi gurraachaati.

Qur'aanni haala shakkii tokko hin dhiifneen rakkoo lubbuu nagaa ajjeesuun ishee dhorgaa ta'e ajjeesuun qabu ibsa. Jireenya namaa irratti akkaan xiyyeeffachuun barbaachisaa ta'uu ibsa.

“namni lubbuu tokko lubbuu biraatiin yookiin dachii keessa balleessuun alatti ajjeese akka waan nama hunda ajjeeseti; namni ishee jiraachises akka waan nama hunda jiraachiseeti» jechuu murteessine. (Almaa'idaa: 32).

Dogongora 4- Islaamni dubartii hakuuca

Islaama keessatti dhiirriifi dubartiin Rabbiin biratti mindaa, adabbiifi hojii irratti qormaatanuu keessatti wal qixa. Fuuldura Rabbiitti namni tokko kan biraa sodaa Rabbiitiin malee hin caalu.

“Rabbiin biratti akkaan kabajamaan keessan kan akkaan Rabbiin sodaatuudha.” (Alhujuraat: 31).

Keeyyatattiin kun akka kabajaan dhugaa hiyyummaa yookiin durummaa namaatiin, addeenya yookiin gurraachina isaatiin hin taane, akka inni sodaa Rabbiitiifi Qur'aana dhugoomsuun ta'e akeeki. Kun dhiiraafi dubartiif wal qixa.

Rabbiin dhiiraafi dubartii uumee itti gaafatamummaa guddaafi gahee adda addaa kan uumama isaaniitiin wal madaalu isaanitti kenne. Qorannoon isaas hanga dandeettiitiin ta'a.

Islaamni dubartiidhaaf haqa ishee hundaa kenneera. Ishee kabajee kabajaa ishee gaaromse. Bakka wal qixxummaan haqa ishee ta'utti wal qixxeesse. Fakkeenyaaf qabeenya hojjatachuu, gaa'ila qeebaluu, barnoota ishee xumuruu, yoo feete hiikamuufi dhaala irraa qooda ishee argachuu faadha.

Wanta nama gaddisiisu keessaa tokko dubartoonni Muslimaa gariin hakuuccaa jalatti kufuudha. Garuu kun rakkoo Islaamaa yookiin rakkoo barnoota isaatii miti. Inni rakkoo aadaa hawaasa tokko tokkoo kan Islaamni ishee didu biyya garii keessatti argamtuudha.

Dogongora 5- “Qur’aanni kitaaba seenaa yookiin kitaaba walalooti.”

Qur’aanni kabajamaan jecha Rabbii ol ta’eeti. Kallattii Jibriiliin gara Muhammaditti (saw) erge. Inni dhugaafi dhara adda baasaadha. Inni bu’uura qajeelumaa kan namni ittiin milkaa’u hunda of keessatti qabateera.

Qur’aanni jireenya ergamoota duriitiifi ummata isaanii irraa barumsa cuunfee fuudha. Kun immoo akka nuti fakkeenyaafi seenaa isaanii karaa godhannuuf.

Ammas Qur’aanni waa’ee Rabbii, waa’ee lubbuu keenyaa, kaayyoo uumamneef nutti hima. Isheen tokkummaa Rabbii mirkaneessuudha.

Rabbiin kaayyoo malee nu hin uumne. Callisees nu hin dhiifne. Imaana gabrichaa qorachuun sammuu isaa, bilisummaa isaatiifi yaada isaa fayyadamee kana hundaan jiraachuu Rabbii uumaa ogeessa ta’ee kan akka dhugaan ifa isaa galuuf jecha mallattoolee itti ergeetti qajeeluufi. Mallattoolee kana hunda keessaa irra guddoon Qur’aana gara isaatti buusuudha.

Qur’aanni mataan isaa raajii baay’ee of keessaa qaba. Gooftaa dachiifi samii biraa buufamuun isaa shakkii tokko hin qabu.

Kallattiin filatamaan ati ittiin ergaa Qur’aanaa hubattu ati mataa keetiin isa dubbisuudha.

Dogongora 6- Hijaabni hacuuccaadha.

Waa’ee hijaabaa xinxaluudhaaf, dubartiin Muslimaa qaama ishee dhoksuutti ajajamuudha. Dhiira orma fuulduratti faaya ishee dhoksuuttis ni ajajamti.

Kanuma waliinuu hijaabni hijaaba isa gubbaa qofaa mti. Hijaabin iccitiis ni jira. Innis hijaaba haasawa gaariifi amala filatamaa kabajamaati.

Hijaabni bu’aa baay’ee qabaachuu walin sababni inni bu’uuraa kan dubartiin Muslimaa hijaaba godhattuuf waan ajaja Rabbii ta’eefi. Rabbiin waan gabroota isaatiif karaa godhuufi waan isaaniif tolu ni beeka.

Hijaabni bakka bareeduma qaamaa kan alaa bareeduma amantii kan keessaa buusuudhaan dubartiif jabeessuudhaan ishee deeggara. Inni dubartiidhaaf bilisummaa guutuu waliin akka isheen qaama hawaasaa taatee kabajaafi qaanfii eeggattu taasisa.

Hijaabni mallattoo dhiibbaa, hacuuccaa yookiin xinneenyaa miti. Garuu inni dubartoota ilaalcha dhiira fedhii hordofuu hamaa ta’e irraa tiksa. Akkuma kana wal qoqooduu fedhii irratti hundaa’e irraa ishee tiksa.

Kanaafuu yeroo dubartii Muslimaa argite wanti ati beekuu qabdu isheen qaama ishee haguuggatte malee sammuu ishee hin haguugne.

Dogongora 7- Muslimoonni hunduu Araba irraayi.

Dhimmichi akkanaa miti. Muslimoonni Arabaa 20% qofa. Kanaafuu Muslimoonni 80% Afaan Arabaa hin dubbatanu. Akka fakkeenyaatti lakkoofsi Muslima Indooneshiyaafi Hindii keessa jiruu qofti lakkoofsa Muslima Arabaa ni caala.

Barnoota Islaamaa keessaa tokko namni tokko nama biraa sababa gosa yookiin bifa isaa hin caalu. Gosaan adda bahuu Islaamni bareechee loleera. Inni ergaa aalamaa kan nama hundaati. Innis namni kamuu hanga Rabbiin tokkoomsee qajeelfama isaatiin hojjatutti milkuu kallattii sirrii ta'een argachuu hin danda'u.

Dogongora 8- Jihaanni shororkaadha.

Maalummaan jihaadaa kallattii Rabbiin karaa godheefi jaalatuun karaa Isaa keessatti qabsaa'uufi of wareeguudha. Jechi jihaada jedhu qabsoofi obsa akeekti. Inni hojii gaarii hundaafi kallattii toltuu keessatti arjoomuu ofitti ida'ata. Inni qalbii, arrabaafi qaamaan godhama. Nafsii, fedhii, shayxaanaafi kaafiroota irratti qabsaa'ama. Gosti jihaadaa baay'inaan beekamu jihaada isa lolaa kan nageenya hawaasaa eeguu, roorroo diinaa deebisuu, dhugaa mirkaneessuufi haqa ballisuuf eeyyamameedha. Inni kun haala jiru irratti hundaa'ee of irraa deebisuu yookiin fuuldura loluu ta'uu danda'a.

Dogongora 8- Muslimoonni Muhammadiin yookiin gooftaa ji'aa gabbaru

Hubannoon dogongoraa inni guddaan tokko Muslimoonni Nabiyyii (saw) gabbaru kan jedhuudha. Inni dhugumatti waan haqa irraa fagaateedha. Jecha Ergamaa Rabbii (saw) armaan gadiitiin isa dhabamsiisuun salphaadha: "akka kiristaanonni lisaa ilma Maryam daangaa irra dabarsan daangaa ana hin dabarsinaa. Ani gabricha Rabbiiti. Kanaafuu, gabricha Rabbiifi ergamaa Isaa naan jedhaa." Bukhaariitu gabaase. (3445)

Barnoota Islaamaa keessaa tokko ergamoota hunda kabajuufi ulfeeffachuudha. Garuu isaan kabajuun kun isaan gabbaruun miti.

Ammas yaanni biraa kan kana fakkaatu dhugaa irraa fagaate ni jira. Innis Muslimoonni gooftaa baatii/ji'aa gabbaru kan jedhuudha. Islaama keessatti akkuma beekamu ji'a, biiftuu yookiin waan Rabbiin malee jiru kamuu gabbaruun shirkiidha.

Rabbiin ol ta'e ni jedhe: "biiftuufi ji'aaf hin sujuudinaa. Yoo kan Isa qofa gabbartan taataniif Rabbii Isa isaan uumeef sujuudaa." (Fussilat: 37)

Islaamni guutummaa hongaa gahaa, guddina dhimshaashaafi tokkummaa guutuu Rabbii gooftaa aalamaatiif mirkaneessa.

Inni Gooftaa haqaan dhaabbataa mararfataadha.

Isa gabbaruufi Isa tokkoomsuun wiirtuu Islaamaati. Inni jecha Rabbii fi Ergamaa Rabbii (saw) keessatti dubbatameera.

Dogongora 10- "Islaamni dirqiidhaan fuuchuu eeyyama."

Sirni gaa'ila aalama keessatti yeroo baay'ee aadaa biyya tokko keessatti moo'ee hordofamu jala seena. Kanuma waliin dirqiin

fuuchuun kun aadaa Muslimoota qofa irratti gabaabbatee miti. Garuu namoonni waan Islaamatti yaada hin tolleef fidanii Islaamatti maxxansan. Islaama keessatti dhiiras ta'ee dubartiin mirga gaa'ila sana filachuu yookiin diduu ni qabu. Ergamaan Rabbii (saw) ni jedhan: "dubartiin heerumtee beektu fira isheerra isiitu of beeka. Kan hin heerumin immoo ni maryachiifanti. Eeyyamni ishee callisuu isheeti." Muslimtu gabaase. (1421).

Dogongora 11- "Islaamni Muslima ta'uu nama dirqisiisa."

Rabbiin ol ta'e ni jedhe: "dirqisiisuun amantii keessa hin jiru. Qajeelumni jallina irraa ifa baheera." (Albaqaraa: 256).

Muslimoota irratti gara ergaa Islaamaatti nama waamuufi aalama hunda keessa ishee babal'isuun dirqama ta'us dirqisiisanii nama Muslima godhuun eenyuufuu hin eeyyamamu. Muslima ta'uun, Rabbitti amanuufi isaaf ajajamuun mirkanii guutuu, bilisummaa guutuufi amantii qalbii keessa gadi seeneen ta'uu qaba. Dabalata immoo eenyunuu Islaamatti seenuudhaa dirqisiifamuun hin ta'u.

Waan armaan gadii yaada kee keessa kaa'i.

- Lakkoofsi Muslimaa baay'een Indooneeziyaa keessatti argama. Ishee immoo Islaamni odoo dhiigni si'a tokko hin cobin seene.
- Lakkoofsi kiristaana Giphtsii warra wiirtuu biyya Arabaa keessa jaarraa dheeraa jiraatanii miliyoona 14 gaha.
- Islaamni gubbaa dachii irratti amantii hundarra babal'ataara.
- Miidhaa, hakuucaafi haqni dhibamuudhaan loluun jihaada irraa lakkaa'ama. Garuu namoota dirqiidhaan Islaama fudhachiisuun jihaada irraa hin lakkaa'amu.
- Muslimoonni biyya Ispeen jaarraa saddeet bulchan. Yoomuu akka namoonni amantii isaanii dirqiin dhiisanii Islaamatti jijjiiran hin goone.

Xumura

Madda amanamaa hin taaneefi gahumsa hin qabne irraa odoo hin mirkaneeffatin Islaama barachuun rakkoo guddaa hubannoo dogongoraatiin nama dhaqqabsiisuudha. Yaada dogongoraa Islaama ilaallatu kana odoo madda isaa bu'uuraa sirrii ta'e irraa hin mirkaneeffatin amanuuf hin deemin. Amantiin ummanni addunyaa tokko afraffaa ol amanu kun bifa miidiyaan dhama'aan ittiin isa dhiheessu kana ta'uun gonkumaa hin mijaa'u.

Inni amantii nageenyaafi rahmataati. Ergaan isaa xiyyeeffannaan qoratamuufi odoo itti hin murteessin gadi fageenyaan ilaalamuu qaba.

www.islamicic.com  WhatsApp +97156 2042 045

 +971 4 3555 223  @info@islamicic.com  25020 Dubai - UAE     islamicicdx

DONATIONS VIA SMS: SEND THE WORD "ISLAM" TO

**10
AED**

2289



**50
AED**

2252



**100
AED**

6027

